

Յայսմաւորքը և տարածվում, իսկ 1401 թ. Գր. Խլաթեցին վերստին խմբագրում է և ավելի հայացնում: Յայսմաւորքի գոյութեան և տարածման պայմաններում փոխվում է Տօնականի բնույթը: Նրա օգտագործման բնույթի հետ փոխվում է նաև պարունակութեան համամասնութիւնը և անվանումը: Տօնականը աստիճանաբար վերաճում է ճառերտիրի, ընտիր ճառերի ժողովածուի: ԺԴ դարի մի գրիչ իր ավարտած ձեռագիրն անվանում է «Ճառընտիր և Տանականի ձագ կոչի սա», մեկ ուրիշը սուրբ գրքերը թվարկելիս Տօնականի կողքին դնում է նաև ճառընտիրը. «...Տարէգիրք, մեծ Տանական, ճառընդիրն, Սարգիս գիրքն» և այլն:

Գ

Ձեռագրի անբակտելի մասն են կազմում Հիշատակարանը և հիշատակագրութիւնները: Դժբախտաբար Մշո Տօնականի գլխավոր հիշատակարանը չի գրվել, սակայն պահպանվել են բազմաթիւ հիշատակագրութիւններ՝ գրչից, որոնք օգնում են պարզաբանելու ձեռագրի գրչութեան հանգամանքները: Գրչի հիշատակագրութիւններին մեծապես օգնում է նաև Մշո Առաքելոց վանքում ձեռագրի գերութեան ու վերագնման մասին գրված Հիշատակարանը, որը «բոստ ամենայնի պատմական արժեքով մի հիշատակարան է... իր բովանդակութեամբ հիշատակութեան արժանի մի գործ, բարեպաշտութեան և մշակութի գնահատութեան մի կենդանի և հավերժական ապացույց, թե միաբանութեան և ուսնդի և մասնակցութեան, և թե բարեպաշտների մասնակցութեան՝ գնման մեջ»²⁵:

Որովհետև հիշատակագրութիւնների և Հիշատակարանի մեզ անհրաժեշտ մասերին պետք է անդրադառնանք ստորև, կրկնութիւններից խոսափելու համար այստեղ դրանք շենք բերում: Անհրաժեշտ է հիշել, սակայն, որ ձեռագրի գրիչը Վարդանն է, իսկ ստացողը Վասուսի և Հովսիսի մեր որդի պատրոն Աստվածատուրը, որին գրիչը շատ հաճախ է հիշատակում. «Ջստացաւ սուրբ կտակիս և փափագող յիշատակիս՝ զամէնաւրհնեալ պատրոն Աստուածատուրն և բարի ծնաւզան իւր յիշեցէք ի Քրիստոս Յիսուս աղաչեմ, և զանպիտան գծագիրս Վարդան և զամենայն աշխարհս հաւատացեալ, և Աստուած զձեզ յիշէ, ամէն»²⁶:

Մշո Առաքելոց վանքում գրված Հիշատակարանի և Տօնականի, ավելի քան կես հազարամյակ այդ վանքում պահպանու պատճառով, բանասերներից ոմանք այդտեղ էլ ընդօրինակված են համարում ձեռագիրը: Տարակարծութիւններ կան նաև գրութեան թվականի վերաբերյալ: Բարսեղ Սարգիսյանի կազմած Վենետիկի ձեռագրաց ցուցակում ճառընտիրի թվականը նշանակված է «ՈՄԱ.—ՈՄԴ 1201—1205», իսկ գրչութեան վայրը՝ «Առաքելոց կամ Ղազարու վանքը՝ ի Մուշ»²⁷. մինչդեռ Ղ. Ալիշանը այն համարում է «ԺԲ դարու վերջն և հաջորդին ակիգրն գրված»²⁸: Գարեգին Հովսեփյանը «Յիշատակարանք ձեռագրաց»-ի Ա հատորում 1204 թվականի տակ է դրել ձեռագիրը և տեղը դարձյալ համարում

²⁵ Յիշատակարանք, Ա, էջ 721, 722, ծանոթ. 1: Մատենադարան, ձեռ. № 7729, էջ 213ր:

²⁶ Գրչի և ստացողի վերաբերյալ հիշատակագրութիւններ տե՛ս ձեռագրի 3ա, 43ր, 63ր 73ր, 82ր, 93ր, 105ա, 110ա, 130ր, 182ա, 205ա, 225ր, 228ա, 237ա, 243ա, 254ր, 265ա, 270ա, 285ա, 288ր, 323ր, 338ա, 351ա, 376ր, 456ա, 476ա, 484ա, 490ր, 498ր, 534ա, 555ր, 590ա, 601ա էջերում:

²⁷ Բ. Սարգիսյան, Ցուցակ Վենետիկի, Բ, էջ 435, 477:

²⁸ Ղ. Ալիշան, Հայապատմ, հտ. Բ, էջ 338, ծանոթ. 1: